



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 14. stav (1) Zakona o finansiranju političkih stranaka („Službeni glasnik BiH“ broj: 22/00, 102/09 i 54/10), člana 24. Pravilnika o godišnjim finansijskim izvještajima političkih stranaka („Službeni glasnik BiH“ broj: 61/06), a u skladu sa članom 12. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“ broj: 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2011. GODINU STRANKE ZA NAROD BOSNE I HERCEGOVINE

Broj: 03-07-6-371/12
Sarajevo, 19. oktobar 2012. godine

SADRŽAJ

MIŠLJENJE REVIZORA.....	3
1. UVOD.....	4
2. PREDSTAVLJANJE POLITIČKE STRANKE.....	4
3. OPIS PREGLEDA I KONTROLE FINANSIJSKOG IZVJEŠTAJA.....	5
Predmet pregleda i kontrole.....	5
Cilj pregleda i kontrole.....	5
Obim pregleda i kontrole.....	5
4. PRETHODNE KONTROLE I REVIZIJE.....	5
5. NALAZI I PREPORUKE.....	5
5.1. NALAZI	5
5.2. PREPORUKE.....	6

MIŠLJENJE REVIZORA

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Stranke za narod Bosne i Hercegovine za 2011. godinu.

Rukovodstvo stranke je odgovorno za finansijske izvještaje, postupanje stranke u skladu sa Zakonom o finansiranju političkih stranaka i uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

Stranka za narod Bosne i Hercegovine nije ispoštovala odredbe člana 11. stav (3) Zakona o finansiranju političkih stranaka.

Pregledom, odnosno kontrolom finansijskog izvještaja, osim gornje napomene nismo zapazili ništa značajno što bi ukazalo na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju je izvršila pregled godišnjeg finansijskog izvještaja Stranke za narod Bosne i Hercegovine za 2011. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka („Službeni glasnik BiH“ broj: 61/06) i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“ broj: 103/08).

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja, Stranka za narod Bosne i Hercegovine je ostvarila prihod u iznosu od 6.390,63 KM, čija struktura je data u sljedećoj tabeli:

Red. br.	Vrsta prihoda	Iznos u KM	Učešće u Uk.prih. %
1	Članarina	2.090,00	32,70%
2	Prilozi fizičkih lica	3.800,00	59,47%
3	Prilozi pravnih lica	500,00	7,83%
4	Prihodi od imovine	0,63	0,03%
5	Prihodi od pr.lica	0,00	0,00%
6	Prihodi od poklona	0,00	0,00%
7	Prihodi iz budžeta	0,00	0,00%
	Ukupni prihodi:	6.390,63	100,00%

U godišnjem finansijskom izvještaju, Stranka za narod Bosne i Hercegovine je iskazala ukupne rashode u iznosu od 4.168,02 KM.

2. PREDSTAVLJANJE POLITIČKE STRANKE

Naziv političke stranke je Stranka za narod Bosne i Hercegovine. Skraćeni naziv stranke je SzaNBiH.

Politička stranka je registrovana 14.05.2010. godine u Općinskom sudu u Zenici i upisana u sudski registar pod brojem: 043-0-F1-10-000003.

Sjedište političke stranke je u Zenici, M.S. Serdarevića 1.

Za zastupanje stranke ovlašten je Ramo Isak, predsjednik stranke.

Lice ovlašteno za podnošenje finansijskih izvještaja za 2011. godinu je Edamir Bajramović.

Prema podacima iz godišnjeg finansijskog izvještaja za 2011. godinu, Stranka za narod Bosne i Hercegovine nema niže nivoe organizovanja¹.

¹ Prema podacima stranke, Stranka za Narod BiH je do 16.10.2010. godine imala niže nivoe organizovanja, i to sedam općinskih organizacija: u Zenici, Varešu, Maglaju, Brezi, Bihaću, Odžaku i Bugojnu. Predsjednik stranke je dana 16.10.2010. godine donio Odluku o raspuštanju kantonalnih i općinskih organizacija Stranke za Narod BiH, tako da od navedenog datuma egzistira samo općinska organizacija Zenica.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Stranke za narod Bosne i Hercegovine za 2011. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je Stranka za narod Bosne i Hercegovine u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti reviziju u prostorijama političke stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskih izvještaja Stranke za narod Bosne i Hercegovine obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Izvršen je pregled godišnjeg finansijskog izvještaja Stranke za narod Bosne i Hercegovine za 2010. godinu, nakon čega je izdat izvještaj o pregledu sa nalazima revizije, u kome se navodi da nije utvrđeno ništa značajno što bi ukazalo na finansiranje ove političke stranke suprotno odredbama Zakona o finansiranju političkih stranaka.

5. NALAZI I PREPORUKE

5.1. NALAZI

Stranka za narod Bosne i Hercegovine je prekršila odredbe 11. stav (3) Zakona o finansiranju političkih stranaka.²

Finansijski izvještaj stranka nije popunila u skladu sa Pravilnikom o godišnjim finansijskim izvještajima političkih stranaka.

U finansijskom izvještaju Stranka za narod Bosne i Hercegovine pogrešno je iskazala promet, koji je ostvarila putem transakcijskog računa kod poslovne banke i gotovinski promet ostvaren putem blagajne političke stranke.

- Uvidom u izvode sa transakcijskog računa političke stranke, utvrđen je priliv sredstva tokom 2011. godine u iznosu od 2.586,33 KM i odliv sredstva u iznosu od 2.869,54 KM. Suprotno odredbama člana 11. Pravilnika o godišnjim finansijskim izvještajima političkih stranaka, Stranka za narod Bosne i Hercegovine je u finansijskom izvještaju (na obrascu 2- Pregled prometa transakcijskih računa političke stranke) neosnovano iskazala promet u većem iznosu i to priliv sredstava u iznosu od 6.770,63 KM i odliv sredstva u iznosu od 7.053,84 KM

² Političke stranke su obavezne da podnesu finansijski izvještaj u formi koju je odobrila Centralna izborna komisija BiH. Sadržaj i forma finansijskog izvještaja su propisani Pravilnikom o godišnjim finansijskim izvještajima političkih stranaka («Službeni glasnik BiH» broj 61/06).

- Uvidom u poslovne knjige Stranke za narod Bosne i Hercegovine, utvrđeno je da je ova politička stranka u 2011. godini ostvarila gotovinski priliv novčanih sredstva na blagajnu u iznodu od 2.090,00 KM i odliv sredstva u iznosu od 2.094,30 KM. U finansijskom izvještaju (na obrascu 2-1 Pregled stanja blagajne) politička stranka je iskazala priliv sredstva u iznosu od 4.180,00 KM i odliv sredstva u iznosu od 4.184,30 KM. Pogrešnim iskazivanjem prometa blagajne, politička stranka je prekršila odredbe člana 12. Pravilnika o godišnjim finansijskim izvještajima političkih stranaka.

5.2. PREPORUKE

Preporučuje se Stranci za narod Bosne i Hercegovine da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da finansijske izvještaje Centralnoj izbornoj komisiji BiH podnosi u skladu sa odredbama člana 11. stav (3) Zakona o finansiranju političkih stranaka, odnosno u formi propisanoj Pravilnikom o godišnjim finansijskim izvještajima političkih stranaka.*

Komentar

Stranka za narod Bosne i Hercegovine nije se očitovala na nalaze revizije i mišljenje revizora dato u preliminarnom izvještaju o pregledu godišnjeg finansijskog izvještaja za 2011. godinu koji joj je dostavljen 13.09.2012. godine.

Mr.Hasida Gušić, šef Službe za reviziju- revizor